

頤
綵
堂
詩
鈔

頤絲堂詩鈔卷三

秀水 沈叔埏 帶湖

癸未元日

兩年元日他鄉過那似今年路幾千
獨望雲山親舍遠況堪風雨做廬遷
屠蘇欲飲慙居後鬱壘新懸覺更妍
最是客中逢令節羈人相對意茫然

次韻答次五

我行不覺遠霜雪感離萎逝將適樂土

豫州以性理安舒居者悅豫得名

所歷皆異地默默念予季詩筆流真意

三筆六詩見梁書劉潛傳遙知

別恨深亦似積鄉思對食不能餐終夜不遑寐助哉中與

才淺矣師友誼清白凜傳貽縹緗窮奧義彥昇五經筒孝
先五經笥經訓卽菑畚俾汝飽且醉同產惟汝賢連業共
我肄常流寶瓌瓌苦無卓然志倚賴素心人晨夕非有異
瀕河壯秋濤望望隱岑翠王微告弟書緘憶忘困悴一字
必共詠讀一句之文無不研賞濁酒忘愁圖籍相慰吾所
以窮而不憂實賴此耳按此王微告弟僧謙靈書中語惟
我與爾真有此事

附原作

珏

悲風振亭皋木落百草萎嗟彼客遊子顧此離別地喧
鳥變新節枯楊蔚生意俛仰感春華懷茂動遐思誰云
道阻長思深接寤寐之子舊交遊酬唱敦風誼含悽望

形音高詠闢典義重憶袂就判箴言緘篋筭披尋一再
讀飲醇心已醉瑟居限聞見何日忘講肄餘子藩籬鷄
安有鴻鵠志大雅既遠姚前漢禮樂志雜變並
會雅聲遠姚同遷 蠅咬趨
豔異寄顏霄漢間寂默對晴翠遺音邈難託容華坐凋
頽

人日自開封至楊橋途中口號

取次春光兩眼明塵沙又向馬頭生一鞭雲外依稀指羸
說斯人在舊京

西湖清讌不知還

輦路春生花柳間記得衣香人影處去年此日住吳山

滿路新愁似醉時東風翦翦馬蹄遲青衫慣就征塵浣人
日題詩寄與誰

新年作

人日初過穀日來新年懷抱幾曾開高堂顏鬢魂空繞華
館詩篇夢與裁故業漸荒因轍迹繁憂如積待尊罍河流
到海雙魚杳望眼全虛驛使梅

燈時

火樹星橋各一方燈時誰說不思鄉輕風似翦簾初軸小
雨如酥草漸芳鴛水此時尋舊侶汴河何處踏春陽羈栖
莫問鶯花海獨滯中原對月光

癸未上元楊橋官廨敬瞻辛巳十一月 御書恭

紀

燈市空教憶帝鄉飛來

鳳藻自天閭兩河已慶金隄鞏三載猶聞

寶墨香卽次心懸霄漢上居然身侍

聖人宥

宸衷只照逃亡屋煥發何須火樹光

行殿簪毫湖上春仰瞻

睿作瑩心神那知豫土迎新節重對

乾文拂旅塵淑景初添官舍迴榮光頓燭大河瀕我來親

見流庸輯中澤全叨

化育仁

酒坐

曠歲離憂觸處驚
哀絃爲我寫淒清
當筵易下思親淚
對酒偏深憶弟情
水竹緣慳違故里
鶯花夢好悟浮生
江南春色知何似
似翻恨匆匆唱渭城

傅巖還南賦長歌贈行

霏霏雨雪我獨行
相見蒼茫驚歲晚
依依楊柳迎君歸
南望關河劇超遠
韶華逐水路三千
與君同來不同返
家鄉此時春漲生
兩岸落花縈繡憶
曠歲無愁定省疎
板輿萊

服多安穩嗟予行役無已時天地一鷗何偃蹇羨煞雄才
稱壯遊單舸輕車數往返故歲羈栖辱贈言長歌磊落榮
華衰蕉萃襟顏屬和難坐對黃流望雲嶽解推具見故人
倩文酒經時益繼綵報君厚意在何時一枝無復分枯菴
中間分手復幾時北首迢遙陟長坂追隨驥尾病未能輦
下諸公隔仙苑飛鳥相依甫半年離亭復指柳下堰思家
惜別重悽然孤蹤何日同嘉遯愁腸煎炒欲語誰安能倉
卒伸愚悃連朝樽罍沸笙歌吳音觸忤都清婉贈行試遣
唱驪駒不用彈箏復摩阮唯有庭闈眷戀心行人努力加
餐飯岷岫情同我獨畱祇因甘隴常虧損飄蓬抱影滯河

干覽古直遡宣房榭河隄使者天上來滿眼負薪與荷畚
顧此惻然色沮喪意氣瑟縮嘲鯉鯉況乃風塵縉素衣良
辰易覺日晚晚君行勿亟幸少住有酒如澠鱸爭刃更邀
坐客話家山粉墨倪黃出眞本高舉遠引非素心旅處空
牀甘息偃君歸寄語雙湖柳得不暫惜春嫵婉

馬上望河隄柳色

極目依依似漢南鞭絲拂處一停驂春晴暗逐蒼流駛詩
思遙將翠影含金嫩故叢鶯睨腕絮飛新堰騎驂驛無邊
野趣偷閒領人事誰知百不堪

送人南還

風雨空教憶做廬感君爲我寄雙魚白雲親舍通家問明月空梁慰索居遙想關山迢遞處喜逢花木鬱蔥餘故鄉若覓真消息旅泊依然此讀書

寄懷次五弟

年來愛爾能勤學嚴訓慈恩兩不孤千卷藏書堪付託百年祖德重規模莫愁遠道羈栖困須念分陰立志劬隨分知予期望切諄諄卻憶所言無

附答作

珏

一別鄉園驚歲改十年風雨舊情孤分陰是惜師前誠尺素傳來勵遠模自許文章堪報稱敢因饑餒憚勤劬

相思待到清秋日江上尊鱸更憶無

寄懷諸姊妹

同氣相憐女弟兄可能消遣別離情儻知遊子青衫濕應
念高堂白髮生無力何時償厚意不才所媿盼浮名賣珠
補屋渾閒事甘讓閨中賢孝聲

寄懷君白弟

無端錄別太匆匆長路關山有夢通鴛水蘭橈如昨日汴
河柳綫又東風青箱名字依稀記素業凋零感慨同早晚
鯉庭添喜氣龍頭消息盼南宮

寄懷子萬弟

飄寄中原已隔年一尊話別憶離筵
幾曾絕倒逢平子空復栖遲夢
阿連樓緬十經勤汲古堂分六藝
漱芳鮮遙知詩禮趨庭際羣季
翩翩正及肩

寄懷俞六芷岸

沉

古處如君見亦稀頻叨餘論作
弦韋不辭跋涉求仁粟誰分
迢遙遠德輝河上春來桃浪
駛客中吟望柳花飛新詩
滿衷誰能定杜宇聲中苦憶歸

偶書楊橋風景寄示次五

幾年菱槳築隄斜凋瘵千家有
百家目極蒼茫同犬漠心
驚卑濕似長沙河流曲似迴腸
九山色遙添賦手又咫尺

麗珠光照眼

宸碑穹峙護雲霞

附答詩

珏

極目長隄落照斜
憐君回首重思家
人從古道驅車馬
鳥向荒蕪掠雁沙
二室風雲開萬里
兩河波浪壓三叉
拜瞻 聖藻崇祠下
多半詩情爲晚霞

送凌子暫歸鄭州

知交零落感彌深
岑寂君歸惜自今
厚意他時圖往復
古心與世判浮沈
誰同首夏聯新賞
祇是餘春狎淡吟
努力清時無自棄
雲龍相逐企佳音

和白司馬遊蘇門百泉之作

舊是孫公長嘯處，泉源百道瀉文波。
遙知窈窕尋春壑，親見玲瓏擺綠蘿。
巾屨幾時陪勝引，煙霞何處著行窩。
跳珠噴玉聆佳詠，芳躅分明一再過。

春盡日次香山原韻

無計留春百感生，思鄉更復動離情。
由來王粲樓空倚柱，說陳遵座盡傾。
綠暗風光絲柳弄，清和時候綬花明。
春歸何處通家問，不斷房廊越燕聲。

送陳二之京

千里遊梁訪故人，喜逢高義惜艱辛。
家山自歎歸期杳，雲

路誰知別恨新過雨橋花剛對酒臨河柳色總隨輪征袍
好染東華土乘興遙飛六六鱗

春夜懷次五再疊淮陰寄詩韻卽以答之

感時花鳥悉堪驚錦浪春來欲打城覓句那能消館夜寄
書先爲數郵程高談煙景難尋樂佳語池塘莫遣情對月
看雲倍惆悵幢幢燈影聽更聲

附春夜見懷之作

珏

長塗霜雪幾回驚遲日曾不平到鳳城愁見杜鵑枝上
月魂消芳草夢中程三春孤負鶯花約千里空含風雨
情底事雙魚畱滯久蘼隄柳浪阻音聲

初至中牟九堡行館

村僻林深有數家
喜看麥秀一停車
匆匆又向長隄去
媿爾庭前木槿花

和次五雨夜見懷之作次韻

不勝春酌雨沈沈
是處連牀客思侵
憶得玉雞窗下坐
一燈頻照落花深

和楓亭夢遊故園原韻

故園廿載共棲遲

余兄弟讀書其中約二十年

深淺花枝閒竹枝
今日

同遊俱夢裏
澆花芟竹不知誰

花落成茵葉作幃
春來無復見芬菲
浮生一例觀如是何

國朝詩話卷三
必瑯邪柳數圍

夏日襟詠

長日都無事可爲只消讀書與彈碁
纔尋永叔憎蠅賦更
傲淵明止酒詩不肯招涼茅屋陋
猶勝障日葦簾垂故鄉
卻憶陂塘好蓮子花開珠滿池

閒身坐廢短長吟卻對炎風悶轉侵
徑欲掩關圖作佛可
堪高臥不聞禽門無脩竹能消暑
坐有嘉瓜好鎮心已分
客中甘鬱鬱相期秋至一開襟

秋日懷楓亭三疊淮陰寄詩韻

秋至眞教宋玉驚登臨難覓舊長城

魏有長城見史記山
蘇秦傳及後漢志

川寂寂生歸思霜露塗塗數去程白日欲眠空覓句清宵
無夢更闌情寄書珍重盈懷衷愁聽遠天有雁聲

自題策蹇曉行圖寄楓亭索和

曉星如月遠山重路指臨淮記客蹤殘夢都會驢背續野
情寫向幘頭濃朝天未許東家借踏雪何殊灞岸逢真有
子由懷舊句路長人困可能從

冬日三至中牟九堡行館題壁數絕句

明窗斐几惜冬餘門外稀聞使者車安得三椽移井里便
應歸讀十年書

四海無家作旅人且當編管此閒身浴鳧飛鷺看無數羨

爾河干得食馴

乞食中原計已非故巢頰向夢中歸朝來河上容高眺一
片雲帆帶雁飛

隄路逶迤似水平匡牀抱膝有餘清登高兄弟空相憶獨
聽掀天風浪聲

相從冷炙與殘杯吐氣如虹漸欲灰誰與話愁深雪裏前
村貰酒故人來

獨步中庭月度垣懷人此際怕無言清光不減霜氛白風
景依稀似故園

小謝詩篇冰雪清一枝棲處夢魂驚遙知側陣移鴻影愁

絕天邊嘹唳聲

往來轍迹竟湮淪
灘草離離野燒新
缺岸不妨帆影疾
憑誰天際認歸人

驚濤九折自天來
葉葉風帆去不回
憶得麥秋時節好
槿花曾作十分開

讀楓亭吟稟喜題絕句

路遠山重水復重新
詩入手欲愁儂誰憐
小謝多清發秋水
微波波見玉蓉

他鄉踟蹰臥西風
招隱知畱舊桂叢
安得溪山如畫裏
和歌足了一生中

河隄晚眺

徘徊遙思集蒼茫客心驚白鳥飛無定黃流怒不平草枯
蒼野闊木落暮天橫遽動歸興與興無涯獨此生

庭柳

甲申

夾徑穉柳二株栽自隔歲春餘清陰綠縹晨夕嘯
咏其下意頗適之遂賦此

若無階苔與庭藪春去那堪眾芳歇廳事哦松挹素風階
除插柳招新月不堪回首故園萊懷抱何曾得好開欲就
此閒移鍛甃炎天鍾會或能來

牡丹

齋前牡丹一本最後始植未及試花花時亦恐不
及畱題也以詩識之

聚土墻陰添瘦石主人栽花欲娛客就中鹿韭葉離披莫
辨姚黃與歐碧一自飄蓬悵別離三春孤負牡丹時東風
廿四番齊畢來歲看花更屬誰

題家書後

負米不辭千里外離家才覺一年多門間望切誰能慰
記
岫瞻頻我獨歌塵土汗衣同紫海洞冥記東方朔去經年一
乃歸母日汝行經年一
歸何以慰我耶朔日兒至紫泥海有紫水汗衣仍過虞淵
滿洗朝發中返何云經年乎余出門時北堂曾有經年之
約故
湍流相喚是黃河寄書珍重憑南雁更展歸期指納

禾

寄懷俞六芷岸

沉

同里誰過揚子居別來懷抱竟何如
河隄又發千絲柳雲雁曾無一字書
客裏髣髴毛鷲漸改愁中儒術覺全疎
憑君欲洗風塵色隨意詩篇足起予

寄懷君白子萬兩弟

中原憩跡類孤雲羨爾趨庭有異聞
筆陣新年須拔幟詩筒隔歲爲離羣
柳陰靜聽鶯簧囀桃浪晴添虎眼紋
兩對春光不相見那教鄉思遣氛氲

寄金弟妹各系以詩

瓦礫如何寄寸心膏油可以繼分陰家貧恐爾捨書賣久
客翻教損橐金

別來知讀大雷書闔裏憐渠僅十餘已惜一行人異雁忍
教鼠壤有餘蔬

家書後再示歸期索次五和

準擬歸來就菊花孤蹤猶自滯天涯秋深風月驚心屢路
遠鄉關入夢賒媿我愆期栖別館憐君落羽宿誰家詩情
大半添蕭瑟倦鳥知還爲晚霞

答石芝弟見贈之作

飢走風塵自覺癡三年皮骨僅存時才疎難續池塘夢道

遠空緘洛浦辭歸權再逢黃葉赤故鄉真媿素衣緇多君
不負趨庭樂文史由來足下帷

追和漁洋山人三絕句

蒲盧亭

巋然亭子水之濱搖豔沙茸動紫鱗不是漁洋此懷古千
年誰問雨中巾

官渡

故壘荒臺霸業非瓊橋流水傳車稀刺良不久袁軍破巖
畔飄零見洛妃

板橋

十五年來賦采蕭懷人暮暮復朝朝經過梁苑城西路怕
說當時舊板橋

走筆和楊子讓表兄聽聞水戲占之作

乙酉

詩好無須急雨催醉眠羨爾聽掀厖依然插口青山繞不
盡源頭活水來欲笑豪絲彈似沸生憎喧騎忝如雷此間
萬斛泉都湧江上銀濤枉作堆

湖樓雨集次韻

望裏湖山日夕佳茲樓亦幸得吾儕雨餘隄草裙腰綠春
入煙波鏡面揩雅集未曾同翠學冶遊還欲試青鞵身從
沐水來

行關落落襟期孰與皆

附和韻

珏

倒影樓臺景絕佳相逢看雨坐朋儕浪花夾鏡空疑織
嵐翠侵衣冷欲揩浮白已拌翻醉裏踏青重約跋吟鞵

蘭墀授簡須臾事

輦路風光樂孔皆

召試放歸晤筠莊香石作此解嘲

鹿鹿依人百事非春風折羽又旋歸多慚岸草侵袍綠已
枉林花拂帽飛結集自應稱脚氣

宋車清臣有脚氣集
余適患脚疾故云 寫

愁將復減腰圍相逢

輦路皆羣雅爭遣漁翁戀釣磯

口占疊舊韻

湖山轉眼昔遊非，眞媿來時傍夜歸。
春動雲容帆乍卸，社逢閨月燕紛飛。
已知濟勝慙君屐，何處看花卜帶圍。
耐可聯吟破岑冢，青絲攜酒拂苔磯。

附次韻

珏

凌雲意氣未全非，窮鳥眞憐鍛鬪歸。
上日鶯花殘夢醒，春波煙雨片帆飛。
浴蘭好共紉芳佩，祭柳休嗟長舊圍。
更上湖樓舒遠抱，不教鷗鷺占鰲磯。

暮春宿精嚴寺石塔房口占

寺黯金沙一徑紆，僧寮文酒足清娛。
更無梵瑄流虛座，誰

國朝詩話卷三
遣嬌絃送隔幃

時有梨園弟子寓其中

竟日簷端聽啄木

寺多啄木鳥

餘

春花外喚提壺南還咫尺畱鴻爪信宿桑陰自笑愚

題孫劍潭停琴佇月圖

靜夜碧微初歇寥蕭秋思云何浣花露泣如玉拂檻雲橫
似羅目送尙虛征雁情移卻值金波知音識曲誰好輸與
天邊素娥

送陸丹叔 召試授正字北上

鳳池相處夙心欽壓角前規得嗣音清祕知名新渥始雲

霄有路綠煙深貢公冠舊彈堪效名士錢多報不任

早奉余就

婚孫氏辱贈阮孚以錢茲際榮行贖餞兩虛愧弗能報

輦路過逢更何日登瀛此去足棲尋

卽席賦得魚頭酒

味借南烹宿醞筍酒鱗生處羽觴浮名因鯁輔傳參政

魏志

高堂隆語是則具臣非鯁輔也

客有酩顏笑督郵目已混珠紅欲滴須曾

節笏滑於油由來額美勝安宅一醉眞忘張翰愁

頤絲堂詩鈔卷四

秀水 沈叔埏 帶湖

以詩爲贄上鄺學師 丁亥

孔顏真樂矢無忘豈效途窮阮籍狂
僧石儲猶糜廩粟卓錫地幸傍宮墻
一經注就推賢裔三鱣銜將集授堂
貧薄未能通雉匹敢希落魄似高陽

花朝日坐雨何氏卻林書舍懷楓亭

又滯何顛宅琴書總絕塵懷人經兩夜
啼鳥報芳辰花瓣塗脂膩苔紋印篆勻
不知淮浦月曾否照垂綸

花朝夜集香樹齋限韻咏盆梅天竹

此夜逢嘉植春寒尙峭時但邀諸彥賞莫遣百花知索笑
須銀燭尋春仗玉卮主人心似鐵誰復騁妍詞

豈有臙脂著冰霜不怕饜問名驚鷲嶺移植想鯨濤

見西真書

是菽難登俎

一名猴菽

加緋欲映袍

用五代史扈載事

數叢畱火齊春

檻亦徒豪

官傅香樹先生招集第舍分咏盆梅天竹酒間俯同

拈韻妙度金鍼且復獎節芻鄙意甚懃懃歸途疊

成四首引而伸之或亦風人詠歎不足之旨乎

堂花容易過羨爾正芳時試借尊前影圖成竹外枝牙籤

堪作伴玉筵豈愁吹好詠知難繼安排分亦宜

命端玉印君詩最擅

場

正值開新醞還同滴小槽游絲春不習貞實夜相遭
韎鞞堆棹貢珊瑚一樹高貴門稀鳥蹟且勿認含桃

一點春全寄繁花晚更移殷勤看不足坐臥艱偏宜縛作
靈虬幹生成野鶴姿草堂吾自有爲爾重哦詩

不是空山木根曾灌玉膏看朱誰醉誤翦翠笑渠勞啄預
防鸚鵡珍甯類蒲入荀勻圓憑一寫射覆試分曹

限韻咏社日雨

簾外春寒已覺輕席門空復媿陳平五三點記佳辰雨六
七星看昨夜晴有約社公同劇飲

用五代李壽事

無端書客阻閒

行用後漢書費長房事飄零臥聽排檐滴卻似糟牀壓酒聲

附和作

珏

迎社雙飛語燕輕望中鄉樹接江平雨添潤葉三篙水
風展催花一番晴何處燒錢堪結會任他醉酒誤歸行
枚皋宅畔蕭蕭竹愁聽千竿搶地聲

春分日詠分荷限韻

凌波要看好容顏雪藕先分臂一彎貯露豈殊金剝種埋
盆預擬玉池攀韶華轉眼初過半春色憑誰得倍還傳語
園丁勤灌溉也當十二鏡中鬢

淡月不得楓亭淮上信

有弟留淮甸，睽移跨月餘。
相思千里道，何惜一行書。
弱質知奚似，清才願不如。
我心聊自慰，鶴髮盼門閭。

夜話

春宵此深坐，情話有餘懽。
燭跋三條盡，詩求一字安。
梵聲西市靜，花影北窗寒。
饒睡昏昏意，還憑酒盞寬。

薔薇次韻

開時好天氣，匝匝綠陰交。
繞屋疑添樹，依鄰遠見梢。
花連木香架，春續海棠巢。
心緒誰云亂，哦詩爲解嘲。

芍藥次韻

花王如可亞，誰遣殿春開。
贈我須金帶，畱人勸玉杯。
韻因

亭午覺翻爲好風，惟有約年年負豐臺任往回。

上巳坐雨卻林書舍聯句

重三舊庭院

堯

又聽雨連絲，禊事都虛擲。

何龍

韶光暗著

鞭橋頭春水漲

何登

窗罅綠陰連，望遠心徒爾。

懷楓亭在淮壖

懷歸理亦然，離人過上日。

袁暉

征棹遡新年，此際應難遣。

相思空屢牽，石闌纔點染。

士

瀟碧轉澄鮮，何處青鞵試。

良時勝侶延，採蘭曾有約。

恒

躡柳已無緣，簾額千絲罥。

沈毓

簷牙萬溜穿，宿醒聊借析。

昨同看劇

午夢豈成眠，滴

滴增愁思。

士

蕭蕭感舊篇，癡雲飛不散。

田

嬌鳥喚頻遷，杏

臉紅添暈。

恒

梨妝洗更妍，話多宜翦蠟。

垣

喧少爲收鳶。

外

偶見
紙鷲
霽景能邀否
田
哦詩一問天
疑

附答作

珏

驚心留客雨

陸機以三日雨爲留客雨

誰與問沈綿空撫馮驩鉢仍

輸祖逖鞭臨淮煙樹密繞郭水雲連
禊飲嗟何及歡遊

憶惘然樓臺明聖側觴詠墨王年

去歲適遊西泠

人面花相映

衣香柳共牽波開匳影綠山抹黛痕鮮
捧劍看疑出流

盃坐少延薄遊辭舊侶結隱乏深緣
墊角巾猶在衝泥

屐漫穿祓蘭徒悵望夢草合驚眠
怕聽吳孃曲頻歌楚

客篇引愁燈易暗避漏榻重遷
榆莢吹還落苔紋洗獨

妍江鳴翻石燕渚靜宿風鷺樽酒
何時共相思悵各天

借袁大遊何氏園林題壁

耳邊嬌鳥歌聲沸一徑逶迤逐花氣

園中諸葛
茶花盛開

同遊喜得

袁彥升遺構猶傳頂襄毅卓錫無地聚書籤卜築願得山

池兼

額有趙宦光象十畝
之宅山池居半八字

花南老屋許借我

園之最
勝處

焚香

終日此垂簾

晚春訪錢七孝廉金明禪舍率贈次韻

范蠡湖邊逢採螺春餘暄景近清和破禪花氣扶欄聚
客茶煙拂檻過隨意文廚堪位置傾心美寶待雕摩
舊隱憑誰問可要彈琴說偈歌

開歲五日楓亭別我之淮三月杪始有書至隨寄紀

行詩四首詞旨清敦余甚許焉因次其韻聞將附
西江運船北遊衛河兼以贈行

反哺烏畢逋交讓木芬芳嗟予季行役念之情慘傷臘酒
移祖席東臯就草堂

客臘余偕俞六芷岸吳大澹川包大
升之暨雲溟儀可兩弟餞之芳六堂

四三素心人舊雨曾連牀
衛杯徵雅令擬筵爲樂方
行當適淮海各各敷腎腸
遵路執子祛涉水褰子裳
屈指數日畱出門走他鄉
歸期亮無阻贈言不可忘
失職涸鮒轍離羣斷雁行
臨歧咽難語酸薄傾餘觴
去去勿復道千里明月光

送子登征艫似我初出走
卷軸一何多資裝百無有
和徧

常尉詩攀盡階隄柳

余壬午冬遊盱眙
遂之淮之濟之汴

親舍瞻南雲郊居

憶北畝我時每寓書期爾來先後屢盼竟不來倦飛亦云
偶歸來倒箱篋疊紙數寸厚兩年課督勤嚮學矢無負椿
庭稍慰藉株兔豈終守男兒志四方設弧判門右笑謝雞
鷺爭劍歌蛟龍吼我昔策蹇行一鞭恍在手

捧日心暫違凌雲氣猶耿今我雖住身依然似蓬梗悠悠
徒爾思感感靡我騁乞米臨古帖餘糧貸遺秉亦欲踵索
遊且當娛觀省念子夜不寐一燈常照影況乃白眉人

陳用

子昂別
弟詩

連業同抑引春愁與別恨緘憶斯須併慈闈重嘅

歎閨幃興感哽

謂女
兄弟

遠道衣裳單新年冰雪冷釣臺俯清

流射陂戢遐景一一增文藻旅館日方永

長牋付星郵音息久虛遲魚鱗充使來雁帛從雲墜上述
負米忱下言共被思提槩作壯遊愈遠誰縮地幸寫越鄉
憂難乾倚閭涕往哲多名言勸爾書紳繫鄒魯才所聚切
摩理無異衛河達運般秦嶽互天際迢迢安德驛此行一
枝寄慎愛千金軀珍重故園意樞火孤夙約梅雨滴繁翠
點翰成酬篇定攬懷歸志

先約五月歸觀

附紀別四首

珽

條風迴廣陌庭草含初芳遊子將遠行顧瞻影獨傷結
束命僕夫入夜登高堂解顏辭衰親收涕就寢牀先爲

述歸期後乃告別方老母驚起坐語咽推中腸慘慘問
徒侶惻惻詢衣裳去去勉令名及早首故鄉父兮夢寐
中慈愛更難忘伏枕但嗚咽轉側淚成行行李歎蕭然
未能置一觴拜別重遲徊燈火寒無光

風雨經漂搖舟車習奔走聚樂既不常承歡復何有帆

飛廣陵濤

謂崑桂兄
維揚之遊

月落梁園柳

謂劍舟兄
汴宋之遊

幸當盼門

間共得歸隴畝如何淮海遊而我復繼後乞食不足多
依人故非偶念之劇心酸亦自覺顏厚再拜別諸舅各
勉其勿負兄言視身心橋性慎自守弟言勤侍養切勿
離左右遠送上河梁獵獵寒風吼津鼓催道征涕泗各

分手

分手復何言思之獨耿耿少年嗟瓠落子身逐漂梗空
傷烏哺懷難將驥足騁二三女弟兄賢孝有獨乘時能
具甘鮮亦復修定省謂當走天涯更爲惜形影初正候
乍舒江湖興重引椒酒雜離尊旦暮還相併趣裝費勞
攘忍別銜悽哽抽帆風力微襍被霜華冷可知弧矢志
不敵桑榆景一語寄閨帷愛此春暉永

離琴愴未彈征棹驚先遲何當唱驪駒白日忽西墜密
親莫展情窮交空結思雨散及酒場星離復吟地慷慨
丈夫雄豈雪辭鄉涕須知衰白心千里還相繫鄉音日

已改鄉國日已異回首望故人渺渺碧雲際王孫未可
招漂母猶堪寄莫憐負米勞應識加餐意心傷楚水波
夢落吳山翠何以慰相思共勉日新志

走筆會錢七見贈之作卽次原韻

袞袞如聞禊洛談相逢問影有澄潭編摩欲富陰求寸吟
弄方酣月正三縮項柳邊堪並釣辟支桑下試同參饒他
景范留芳躅我亦尋僧助結庵

疊韻

羨君卷霧有飛談塵慮都消向碧潭懷古范湖奇策七證
空蕭寺大乘三牙籤他日期分借玉版餘春定飽參不厭

新詩投織絡知隨香篆出房庵

三月二十五日展墓敬識一律寄九弟同作

路入東皋霽景分永安橋護百年墳愴懷久已虛春露凝
望依然立暮雲蘋藻但須脩薄薦縹緗彌念誦清芬若教
從此無貽痛昨夜風雷默禱勤

先是雷雨交作祭日喜
獲晴和實邀天幸云

附和作

珏

水繞芳塘漢魏分年年麥飢愴孤墳溪毛潔薦應沾雨
壟樹深栽待拂雲好向一經懷舊德也曾六法緬清芬

先王父工六法康熙
間供奉暢春園

子身遠道徒瞻望述祖還嗟志未

勤

月下訪錢七孝廉金明禪舍口號

薄暮金陀坊裏過禪棲又趁晚鐘來青帘市遠遊春散白

板扉斜帶月開案上詩猶傳晝微

適讀荅公黃葉庵集故云

壁間句已

動風雷酒人落拓君休笑肯惜闍黎日往回

晚春過馬氏枕皋樓與吳大澹川小飲畱贈苻塘表

兄

過逢合就習家池況是吞花臥酒時紅暈無端傾不落

適有

餉琥珀光酒者畱置座隅余飲而甘之

青春有限到將離

後日立夏

一灣流水漁

歌遠千頃平皋塏影遲我醉徑題凡鳥去饒他長蓬倚樓

吹吳大解
吹蓬

三月杪再寄楓亭書仍綴一詩

塗林紅後指歸期設醉須君看阿宜珍重湖樓凝望眼行人臨發又題詩

次答楓亭春夜寄懷

赴洛曾吟大陸篇里門回首已茫然依人爾去堪相繼失職春來祇自憐累札莫辭千里寄將詩未許萬人傳清淮明月應常好又向繩牀照獨眠

余壬午自盱之汴留淮甸七日

附原作

珏

漫歌招隱小山篇千里飢驅豈偶然載酒問奇空有意賣文爲活劇堪憐梅花消息知難寄雁侶音書莫浪傳

夜半挑燈還話舊悲歌慷慨不成眠

得楓亭書以四月中自淮甸附載運船之德州口號

卻寄

雙鯉飛來一解顏熟梅庭院雨痕斑已辭望海龍興寺遙
羨登山鹿角關記取故鄉香稻熟隔年釀就待君還

附和作

珏

滕南薛北望孱顏襟袖經時濕淚斑未許靈光瞻魯殿
空思練影望吳關落帆亭下如相待花發寒江載月還
午日雨中懷楓亭卻寄

掩關愁對雨如絲孤負鷺湖競渡時吟到白華增遠思摧

殘丹若誤歸期

前批書尾有塗林紅後指歸期句

運租船去空相憶解樓

筵開定有詩膝上從教替艾虎幾時來看稱家兒

謂傳壁

附答作

珏

隋隄古柳垂青絲

是日之宿遷

坐雨林立千檣時詠史不作

牛渚想

坐運租船故云

奪標剩有龍淵期沾脣菖綠爭勸飲照

眼樞紅空賦詩那似南陔新補詠纏絲更引蘭芽兒

傳壁晬日何九投喜晴詩次和

蓬藿蕭然雀報明苔痕破處綠還生晬盤不稱貧家設乞

得梅天一日晴

寓書楓亭畢坐雨小窗復得一詩疊花朝寄懷韻

驟雨洗炎溽明窗絕點塵
遠書催節序殘夢續昏晨
彌望奇峯疊空階迸溜勻
殷勤寄相助經術要紛綸

附答作

珏

點易研朱露論文鏤玉塵

關尹子言如吹影思如鏤塵

風光過麥信

雨意逼蕭晨六著彈碁好
雙鉤搨字勻廣川祠宇在
太息絕文綸

燈滅口占

殘燈挑盡夜涼時一點流螢入硯池
知有鄰僧縛禪寂不妨分火照題詩

七夕看荷碧光庵後池作

晨朝颺輕颺蕩舟恣容與出郭忻所如潭香枕蓮宇朱華
冒綠陂一一娃欲語此焉敞幽襟豈惟滌蒸暑鐘梵流清
音茶瓜洽素侶而我抱微尙佳辰聊一吐懶結遠公社肯
乞謝家塋魚菱得千頃鰕菜追三戶採蓮無是非踏藕相
爾汝借問同遊人荷衣倘應許

阻雨飲澹川宅

到門凍雨洗炎溽延客迴燈慙不速借將尊酒敘平生差
勝隻雞招近局茗椀楸枰偶作緣異時佳話任人傳一輪
蟾魄秋相識兩部蛙鳴醉欲眠

晚荷

兩度雙蓮節陂塘未覺秋影仍分水檻聲已斷江謳亂颭
風香入飄零露粉畱乘槎須有便太乙借仙舟

自題周世宗論後追和王梅溪咏史詩韻

休因顯德問蒼旻三寸鐫題若有神五季羣雄皆盜耳不
將大統屬斯人

再寄楓亭德州

華不西去接平原董子祠邊落照昏下馬定逢相識問青

衫認取酒盃痕

里中一二游
好亦客其地

附答作

珏

連城蒼茫古川原

城北有十一
連城舊址

畫角聲中野色昏闌寂

讀書臺畔路有誰履齒印苔痕

董子讀書臺在州學

送王解元

汝嘉歸娶蜀中

笮索飛空蜀道賒
遄歸才子御香車
幾年望斷雙星節
此日追乘八月槎
舊里鳴珂催卻扇
他鄉結珮好移家
春風穩送長安騎

闕宴期君飽看花

口號贈許大築巖

愛爾襟期與俗殊
過逢琴詠足清娛
連牀翦燭愁無伴
出郭浮舟喜不孤
正好菊天同聽雨
幾時松磴共攜壺
未緣被酒論心蹟
那識疎狂是故吾

國朝詩話卷四
三
我亦嶮崎歷落如素心期爾此相於文章大業身何託筆
硯生涯計本疎題鳳但畱千个竹換鷺莫惜八行書明朝
有約尋詩去笑指楓林是我廬

題張上舍清明上冢圖

柳絲搖煙弄晴碧比屋乘春走鄉陌可是龐公渡沔行暫
離仲蔚生蒿宅悽愴悲懷雨露新全家買權嚮通津一杯
滕隴知何處十往倪塘肯厭頻挈榼提壺梅會里犢鼻奚
奴犀角子東風吹送紙錢灰西舍分攜糝餌美最憐風樹
泣皋魚此際椎牛歎不如守冢百家猶有待及親三釜已
無餘土巖昔入孝友傳追遠情深覩其面負土曾教烏獸

馴感時預備羔豚薦冷節纔交百六朝白楊亭午亦蕭蕭
草藉牛眠依舊識雲隨鶴化倩誰招畫出褒衣與垂帶年
年堯土相沃醑去家底學呂僧珍設會休夸樊子蓋墓祭
由來展孝思吟鞅況趁踏青時笑他永叔瀧岡表

見洪文敏二筆

及尹直卿詩

細和魏公寒食詩

韓魏公集中祀墳詩最多

輓汪少石 又辰

宿草翻增別思迢殘燈噩夢感春宵

今春余館何氏忽夢君語予身後事甚悉

素車自媿通靈范編帶常虛結綬蕭

甲申冬余歸自大梁相見西冷寓館君曾

乞余汴綾帶余諾之而未肯以贈也

朝籍不容聯鳳翼門才豈屑比蜂腰遺

文好付孤兒讀冢柱能生恨始消

過青門小築謁蔗田師靈櫬口占示登瀛二弟

故里猶傳少保家廿年彈指感恆沙不緣門第高魁象曾

向樓頭望月華

用譚舟石
鴛湖棹歌

助葬誰知輕范麥起墳我已媿

侯芭遺文可要分藏弃努力何辭讀五車

侍御姚蘆涇假歸省覲喜呈二律

肯厭承明賦揭歸繡衣正好作萊衣十年說項叨餘論余

戊寅始以詩
文辱知于公

千里遊梁阻吉暉

癸未余客汴宋奉
書約遊京師不果

故我依

然淪硯席如公未合戀庭闈門前笑指還鄉水暫解金魚

拂釣磯

憶從捧袂挹虛襟雙鯉飛來拜德音授簡空勞期壓角壬午

乙酉余兩預

行宮

伏蒲遙羨動班心陽和散與憐窮鳥

冬狩纔解察失禽青眼相逢鎮如昔無成都恐二毛侵

余與侍御別十年矣自惟瓠落無成空有枯魚之賦而
公則梧棲獨把大殊仗馬之儔是宜雲中蔚爲羽儀天
下想其丰采者矣乃版輿念切萊服遄歸猥以布衣偏
邀倒屣譬羊陟之於趙壹翦拂有加媿王粲之遇中郎
游揚無已儼古道之相照奚文章之有神用假巴人之
辭寫予知己之感雖不免受嗤大雅然亦足爲里鄰嚮
學者勸也

頌金母姚孺人節孝

慈竹有勁節貞松多苦心受材既塊異肯爲霜雪侵清茗
毓高行令匹姚與金昔爲雙飛翼今作單棲禽結禱甫七
載寡鵠空沈吟上奉白頭姑終老歸耶岑下撫黃口嬰偉
然列儒林十指集辛苦一身克勝任間史上其事

宸章標徽音誰歟播貞風寫心獨絃琴

頤絲堂詩鈔卷五

秀水 沈叔埏 帶湖

喜楓亭歸自陵州集王氏蕩花溪屋賦此

戊子

望爾眞如天上鴻倦飛正好趁條風清辭玃笈從教滿痛
飲屠蘇復此同除夕人歸千里外經年話盡一宵中溪堂
且踐連牀約不與閒鷗笑轉蓬

附和作

珏

去住渾如印雪鴻歸帆添送翦江風一尊差喜和春咬
千卷還期汲古同空使亭臺誇歷下爭如詞賦布天中
知君更有圖南約肯向浮蹤歎斷蓬

詠百響

聒耳聲喧柏子灰衝寒蟄戶欲齊開一竿臥綠新煙起千
點殷紅故紙堆似鼓催花過急雨如槌記里震春雷數將
足陌傳徽產與慶多男心亦孩

正月二十八日集樂順堂晤山左宮貳守賦贈

自來裙屐會佳客寓公多履道幸相識論文不厭過杯宜
傾伯雅節已近中和試問梅兼柳生春定若何

酒間論元
微之生春

詩故
云

三月二十九日集樂順堂限韻送春

韶華轉眼如流水無計留春漫解嘲三月可堪逢小盡寸

陰從此莫輕拋花因燕蹴紅成陣樹被鶯催綠上梢不遇
林棲風月主一尊誰與餞青郊

四月四日集荆合齋送錢五穀山之大梁卽次送春

元韻

一別梁園成五載飢僉逐處憶相嘲如君合趁長風便故
我惟將斷梗拋麥秀河邊翻翠浪絮飛江上舞青梢遙知
菱槳餘鴻爪竝轡何年共入郊

用東坡送別詩韻再送穀山之大梁

隄邊柳色青如染隄下花枝紅映臉送君重作汴隄行憶
我舊遊勞指點鯉魚風裏望君歸莫待黃蘆作雪飛最是

經過攀臥處遙知立馬話餘暉

一作剩欲一官求簿尉也將寸草答春暉

樂順堂晤蔣敬之率贈卽送還吳門

我亦能吳語論文就一尊韓門逢蔣係同調憶王琨

謂吏部鎮

之友婿人皆玉名家道夙敦金閨許相訪應已羨騰騫

上錢東麓司農師二首

扈

聖曾傳畫錦榮里人爭誦度支名文章江介光星使風績
朝端冠月卿碩望早孚唐系表慶門行繼漢韋平萊衣歸
理趨庭業墻角何曾棄短檠

濟美還鍾葢代才過逢履道幸趨陪蓬萊鉅構垂鴻製桃

李新陰蔚舊栽自笑諸生等原憲都慙司寇鑄顏回一言
凡骨如堪換乞取傳衣妙諦來

六月八日奉陪香樹先生同舟至武林途中用東坡

宿臨安淨土寺韻

觸熱登征艫解維日方午舟中亦何樂堆案無俗務弱植
被華風清涼生玉宇悚息聆緒言擘流復析縷異苔忻同
岑萬法悟一乳下筆驚龍跳之而不可數

舟中觀宮傳行
草書頃刻得數

紙皆奇
蹟也

桔槔響平疇菡萏開遠鳴蟬噪知隨人蛩吟會飽

露已過長水長纔接語溪語片帆移斜暉隻埃辨前路湖

山有夙約蒸暑遲

一作須

一顧明當喚鹿頭白蘋採可俯

陪香樹先生遊安平泉次東坡韻

相逢問水得真源，冒暑塵襟覺灑然。
松老濤聲爭萬壑，壇高幡影照千年。
雲根漱玉能留客，杖底跳珠喜挾仙。
分我一瓢供茗宴，此心願比在山泉。

武林寓舍

隨例嗟吾輩，三椽約素心。
青葵驅薄熱，阜茨散清陰。
夜語花鷹寂，秋燈巷豹深。
還憑謝車馬，不受俗氛侵。

訪王明經不值

迤邐過囂市，周遭出故營。
銓煙低欲午，嵐翠遠如迎。
曾約同歸棹，難忘共短檠。
閒門一相訪，爲辨誦詩聲。

長至後一日侍香樹先生夜讀呼童市擔錫分噉同
學諸子命作一首

公老耽讀書似惜冬餘景燈火故可親迢迢夜忘永漏板
雜錫羅遠遞街聲靜奚童最喜躍呼買祇俄頃一錢符鄙
諺諺云一文錢喚得錫擔住又冷齋夜話仲舒事百味足兼領千株玉山禾萬杵

昆和麴粉蝨同勻圓飴蜜相稠凝叶香輭裹豆糜甘鬆餽

瓜杏器防鼠矢投見江表傳名辨馬鞍併飴有馬鞍大扁

組強弱紛箋疏急就篇棗杏瓜棣餽飴飴注中邊徹蔗境

吹如九寸瑄坼作十字餅膠牙年歲迫入口雪霜冷生津

灌靈根傾液淪佳茗啖餘賚行炙噙化免祝鯁弄孫添娛

娛沃釜戒驕逞洵堪珍
柜枚豈惟析醕酌對此憶童時庭
闈日箴警分甘倣右軍習苦逾仲
郢潘年百無成汲深慙
短綆亦思慈旨甘飢走隨汎梗今
來坐春風戴巾有餘幸
月令廣義冬至煎餲綵珠戴一陽巾
情傾立雪程和挹調陽邴無殊責程
課翁愛哺飴餉文史連燈檠叶
更乞展畫义庶與寒具
等

稻堆限高字

趨收屆西皓觀穫循東臯登場納禾稼掃徑除蓬蒿請看
所堆稻寸寸累田毛太倉辨總秸天廡留分毫籌車並云
滿茨梁如許高崇邛叶宵雅老物息幽謠春堂位杵日昭

糞輕豚羔糧棲固有待，
種載誰能拋。想當守舍日，
泊乎銜刈朝。鏤腴潦初降，
錯壤堞復囂。滯穢紛拄地，
飛芻爛盈郊。溼憑頰肩擔，
枯用赤手摺。連雲卷穰，
極出水倚桔。棹徑圍必紹，
繳迺積成周。遭團團苦蓋，
密蠹蠹懸崖。牢飽任鸚鵡，
啄飢添鳴雁。磬催租，
競指點販穀相招邀。睇遠官長喜，
迷藏婦子遨。屢豐洵堪繪，
厥狀爲爾嘲。彭亨負塗豕，
鬣肩冠山鼇。山成僅覆簣，
岳峙甯及椒。四三間古藏，
七八鄰廢窰。屋上薄爲筮，
邛再成爲陶。或列如甌脫，
或聳如麗譙。穹如塞垣廬，
遷移逐過蕭。卸如河塹堞，
錯落隨拳茭。始如輿曳柴，
欒枝僞遁逃。繼如城積甲，
熊耳爭崿防之戒。一炬轉

之須萬艘造歸備時糗守望當登輶鄙人藉已愚鄭師取
尤驕幸無汎舟役行就築城徭眷焉禾頭穗終伴車脚燒
摘瓜感抱蔓落實思采樵居上陋積薪蓋頭嗤把茅豈容
久盤踞剩可驚焦僥不貪寶斯聚有儲食以饒薦薪供廟
饗浙玉充老饗始信千箱慶足償三務勞嗟哉田舍翁得
此亦已豪

嘉平二十六日爲立春前一日集樂順堂分賦

已過交年纔浹日又逢綵仗引青旗明朝看戴坡翁勝舊

事重提元相詩

昨歲官傳奉

御製生春詩用元稹韻

敕恭和歲去堂堂蛇

赴壑春生益益蟻浮卮遍除猶喜趨函丈正是洪鈞一轉

時

花朝夜集錢氏蓮西書屋次楓亭韻

己丑

簷鈴風顫雨頻催
慙媿蘇家夜召來
負卻年年看花日也
須百罰盡深盃

未怕沈沈漏板頻
酒籌還借一枝春
小窗簾幙偏稀到
移近梅花索笑巡

仲雅量甯輸季雅
西頭居不隔東頭
青城枵棗梁園柿
俊味難忘作客秋

促坐休將社飲猜
詩成頃刻爲花催
更尋芳徑籠燈去
百和香中昨夜雷

附同作

珏

猛雨排欄漏暗催，西窗翦燭去還來。
堂堂春事纔交半，乞與澆花酒一盃。

疊鼓聲喧隔坐頻，瓶寒勒幾分春。
何當衫色紅于面，花飲重來不記巡。

著雨桑芽含雀口，掀泥竹笋挺烏頭。
年時記得題襟處，山色淮光冷欲秋。

前歲是日客淮陰得家兄
劔舟及諸同人寄懷之作

東風芳信幾番猜，憑仗詩人火急催。
眼底倍還春色好，百花頭上一聲雷。

二月廿二日永安橋展墓偶成

杏紅桑白啼鳩處水暖沙明放鴿天記取清明前七日全家齊上郭門船

勝遊只合錦莊同歸棹還紆一帆風指點禪林間放梵鄭公隄在夕陽中

是日始游會龍寺

附同作

珽

浸種乍當菖葉候罽泥已近菜花天三篙綠淨添新漲上冢家家好放船

朱陳村塢畫難同

村有數百家惟顧謝兩姓

吹面還餘燕麥風舊是

東西禪寂地仙鄉合在白雲中

其地向有東西兩白雲庵先坐其遺址也

上巳後五日同人侍香樹先生登煙雨樓移時遊茶

禪寺舟次讌集命各賦詩全弟珏分用東坡潁濱
陪歐陽公燕西湖韻

樓頭落絮白勝雪湖上浮盃紅映頰爭來平地看仙人
語嘈碎花馥烈勤思老僧鬢如霜指點

寶墨光煒煌曾乞題詩作玉帶禪喜欲逐東風狂步屨溪
田致不惡只少峯螺從採藥提攜青絲勸客醉祝公難老
昇平樂歸去層樓煙水生相輪倒影春波明誰能圍棋賭
別墅公肯臥聽東山箏

三月廿三日胡二菊圃招陪錢官傅陸太史集齋頭
看牡丹以李衛公賦句分韻得而字

養花好天氣及此晏陰時近局眷嘉招街西不遠而照眼
放深色扶頭留壓枝之子沉英妙綵筆爭敷披風流從二
老傾倒共一卮文采豈不貴好脩以爲期閒徵洛下詠偶
契平泉詞餘春諒無負盡醉其奚辭

讀竹林倡和詩題後

限人字

軒冕由來讓隱淪數篇今喜見清眞布衣偶結攀嵇侶
緗帙重披述祖人白社聲名增我羨青墩盃罍更誰親
情知嘉詠輸光祿剩欲林間逐後塵

附同作

限鈔字

珏

大隱何須論市朝笑他空作北山嘲承平自足林泉樂

風雅猶存道義交圖憶七賢神獨契詩編五夜手頻鈔

時輯家集采研淳

瀛洲小社今誰繼欲向南山更結茅

以下諸伯祖詩

明中葉徐太守子正曾結小瀛洲社南山草堂余家舊墅爲諸名士觴詠地詩俱載集中

浴佛日松岑上舍招賞罌粟以詩見投因次其韻

莖草爭舒佛日光玉禾應恨不同芳半開已似輸秦粟分
種還堪鬪楚妝媿我真無儂石貯笑人總爲稻梁忙翻階
紅藥添花韻次第頻傾婪尾觴

虹涇訪朱香圃出示文衡山所畫朝川圖卽以摩詰
詩中家住水東西爲韻余得住字

雨餘涇水深過逢渡旁渡一款幽人廬墻陰得高樹請觀

輞川圖更誦輞川句流傳墨林家省識衡山作衆皴分寸
碧層波匯尺素渲染煙霞新暉襯綈繡故信美藍田居何
爲舍之去倖博解頭名虛領禪悅趣旣異蒿山堂復殊平
泉路傷心凝碧池不爾竟遭錮澗愧與林慙千載動遐晤
主人裴生儔希蹤杜曲住藏弃亦足榮無爲寒具澆

附同作

得東字

珏

坐雨喜開霽著屐來城東眷茲春日佳况遇幽人同雙
扉款白板曲流摩青銅拂衣一經過吹面來和風蕭齋
拓十笏苔石滋半弓搨字證墨妙讀畫知詩工誰將輞
口勝攝歸尺幅中披對神各爽流覽興無窮王裴恍欲

遇縑素靈能通卻嗟賢達人難保令譽終至今鬱輪袍
訾議猶交攻此意竟難言卷圖煙雲空塵譚企高躅茗
宴愜幽衷新蔭覆蘭墅宿澗含芳叢良晤忻有得雅會
期再逢催詩好擬笛歸指斜陽紅

仲夏侍宮傅先生泛舟至武林中途遇風雨用東坡
過李公擇故居韻

舶趨風侵衣迎梅雨迷麓輕程纔解維午飯已炊玉叢移
水中蒲響亂滬邊竹淋漓筆一枝嗚噓書幾束推篷豁遠
眸蒼然生衆綠似聞山寺鐘行就石門宿宿吠蛤盈溪田啼
鳥隔雲木憫農催新詩仿帖展殘幅何處沾濁醪近村指

茆屋遲公作霖姿旦晚調玉燭

五月廿一日宮傅先生招飲湖上用東坡介亭餞楊

傑次公韻

昨朝坐雨愁閉門有約不果尋山村今來湖上開霽景乘
輿一訪名泉源白魚入饌解柳棗青絲泥飲非瓦盆峯螺
幾點劇解事分別衆皺漪雲根仙侶相邀況老宿朋簪列
坐偕諸曩蓬壺隨在足日月洞壑是處藏乾坤請公少住
謝攀躡詠歸可耳留一言沙隄煙寺夕陽路靴紋激濫停
高軒

七月九日暑甚集頤和室用王右丞納涼韻

填河越一昔流火占昏中量無招涼具何以迓商風養蘭
室馨滿芟草階塵空長筵行屏篋纖絺猶被躬惟餘碧筍
飲顏解平泉翁相望玉繩耿列宿分西東

中秋夜約同人泛湖阻雨憶舍弟任城

南湖無月夜空棹酒船回卻憶南池客何人共舉杯危樓
雲覆堞平野潦成堆知有越鄉意雙魚次第來

中秋後一日過桂林書舍吳大澹川索予詩時庭桂
將試花矣走筆應之

良覲竟不果三五夕已虛比開得勝引指點千絲筵到門
淨鼻觀木樨香有無同調約數子言噓聊與娛墜歡行可

補新賞未云徂清暉澹林表秋水添雨餘佇景足流鶼停
雲任卷舒眷茲邱樊適晤對嘉植敷遲月就高館豈惜花
徑紆

對月懷舍弟任城

今夜任城月淒涼照酒樓何心傾下若屈指過中秋書向
來鴻覓詩從顧兔求情憐三版在水落動鄉愁

前月書來云汶水發

三門不通行旅

戲題雞冠

雞冠開向小窗前肯取當時斷尾憐望爾一聲天下白不
鳴也復憤三年

錢七孝廉二十初度詩以示勸

覽揆欣看英妙年陽回況是小春天請纓要矢終軍志作
賦休慙大陸篇釣席貽勤七業在慶門努力一經傳
渥恩稠疊靈椿健獻壽剛連採菊筵

胡二菊圃見示所輯鄭夾漈遺集題後

南渡雲消滌上居遺編賴爾拾殘餘布衣感激延恩匭藤
笈窮搜秘閣儲蔭借蟻陂前事在香園帶草後身如披吟
一往偏多慨何處商量舊學疎

次雲泉韻送家方庵之韶州

水帶青羅山玉簪重遊應其快登探同宗媿我千文譜

家

以周興嗣所輯右軍字爲次名千文譜 舊學輪君百丈潭 韶石無聲紆勝引
天香有路盼歸驂 先煩郵吏傳嘉詠 樽酒他時話越南

題錢六肖巖灘江歸棹圖

灘山突起象鼻彎 灘水遠出零陵間 錢郎到時冰未泮 春
動花筵照百蠻 藍田種玉須臾事 將子鳴環更迢遞 瀕行
指點相思江由來 不識相思字 渡頭畫出一舟橫 親舍遙
瞻悵 別情歸途回首江波渺 歸思先從浙汜縈 題詩觸忤
看雲客 有弟飢驅赴南粵 纔將源水問靈渠 已軫離懷向

韶石 有懷季弟客韶州

李芬谷三兄倩畫史寫江上詩情爲晚霞句意爲行

看子庚寅秋賦同舟歸自虎林出此幘屬題口占

斷句七首卽以詩句爲韻 庚寅

不信霞成綺蘆漪艤釣艘只愁風浪起津吏說橫江
霞想企平生天情足高曠知非邛壑姿寫爾青雲上
曾否採江離應邀自牧貽青蓮家學在低首謝家詩
臨風識光采化水卽雲英倘乞餐霞訣遙憐湖海情
停雲訪垂虹水調叶雲吹日落不見君高歌復誰爲
相趁暮潮平相逢秋雁返收拾古錦囊歸來三徑晚
清泉漱寒石白露連蒼葭添予入橫幅同驗尊中霞

清和二日送子萬省親崇信 辛卯

昔別薰風裏朝那往復來此行何太驟春去若相催劍合
期雲路花飛惜酒盃渡河訪季同上會盟臺

時楓亭
答葵耶

送君白重遊崇信

憶爾西征後曾煩錦字遙攜家隨戲綵將子況垂髫已負
栽花處還孤聽兩宵到時頌新政幽俗判淳澆

三月一日展墓敬識

晨朝翻襖帖天日已和煦春風忽放顛凍雨成陰獨上冢
邀衝泥行廚戒治具放艇沿迴塘織浪紆前路逐檣語燕
喧繞剎飛鴿怖望望溪陌間扶藜勤始務織柳鎖雙橋媯
花罨孤戍眷念芳菲殘彌塵松楸慕區區追遠心履霜與

濡露詎敢稱展祀或免泣脩墓守視藉鄰老指點集邨孺
麥飯一盂盛蘭漿一樽注再拜動遐思七傳益滋懼小子
類孤雲齊魯夙羈寓插柳憶舊節夢草和新句遠望嗟未
及遄歸幸無誤擔榼來詰朝弭楫忘薄暮雖維起中田啼
鳥集深樹塔影邈難攀禪棲已非故墳爲白雲庵
址前卽塔港緬思祖
澤長永乞山靈護作歌勛來昆後期眷良晤船舻重遲徊
蒼煙羈古渡

上巳日侍宮傅先生登煙雨樓舟次命賦長句

芳春最數湔裙節霽景新開祓水邊扶杖爭看來大老扁
舟直欲挾飛仙蘸隄絲柳煙痕澹拂檻繁花雪色妍重展

畫屏觀墨妙勝遊肯羨永和年

遊感花巖讀壁間崔徵仲紀事之作卽次其韻二首
鴻爪常隨影共徂勞人舟楫滿江湖夙因房相逢靈石佳
句崔郎續大蘇烏帽昔曾聞歎息青袍今復感伊吾巖花
依舊催題壁肯學遊仙夢也無

丹黃曾照逝川徂樹裏猶明一片湖卻笑苦吟稱瘦沈都
慙豪興學髯蘇江雲過眼隨舒卷山鳥多情任爾吾我亦
從來病消渴不知世有乞漿無